

Na osnovu člana VI (2) Ustava Federacije Bosne i Hercegovine, člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, 49/06) i člana 150. Statuta Grada Bihaća („Službeni glasnik Grada Bihaća“, broj : 13/15), Gradsko vijeće Bihać, na svojoj 26. sjednici održanoj dana 30.10. 2018.godine, donijelo je

NACRT

Statutarnu odluku o izmjenama i dopunama Statuta Grada Bihaća

Član 1.

U Statutu Grada Bihaća („Službeni glasnik Grada Bihaća“, broj 13/15) član 92. stav (2) mijenja se i glasi:

„(2) Gradsko vijeće će donijeti odluku o potvrđivanju rezultata izbora ako je u svakoj mjesnoj zajednici na izbore izišlo 5% birača upisanih u centralni birački spisak za područje mjesne zajednice, te ispoštovane procedure utvrđene odlukom o raspisivanju izbora“.

Iza stava (3) člana 92. dodaje se novi stav (4) koji glasi:

„(4) Ako nakon ponovnih izbora ne budu ispunjeni uslovi za potvrđivanje rezultata izbora, Gradsko vijeće će, na prijedlog Gradonačelnika, do izbora novih organa mjesne zajednice, imenovati povjerenika sa ovlaštenjima organa mjesne zajednice.“

ALTERNATIVA članu 92. glasi:

„(1) Gradsko vijeće će donijeti odluku o potvrđivanju rezultata izbora u mjesnim zajednicama u roku od 30 dana od dana održavanja izbora.

(2) Za mjesne zajednice za koje Gradsko vijeće utvrdi da nisu ispoštovana pravila i postupak provođenja izbora utvrđeni u odluci o raspisivanju izbora u mjesnim zajednicama, Vijeće će donijeti odluku o raspisivanju ponovnih izbora.

(3) U odluci o raspisivanju ponovnih izbora utvrdit će se naziv mjesne zajednice u kojoj će se izbori ponoviti kao i datum održavanja izbora.

(4) Na postupak provođenja ponovnih izbora primjenjuju se odredbe odluke o raspisivanju izbora u mjesnim zajednicama na području grada Bihaća.

Član 2.

Iza člana 92. dodaje se novi član 92a koji glasi:

Član 92 a

„(1) Ako nakon ponovnih izbora u mjesnoj zajednici iz stava (3) člana 92. ove Odluke ne budu ispunjeni uslovi za potvrđivanje rezultata izbora, Gradsko vijeće će donijeti odluku o raspisivanju novih izbora u toj mjesnoj zajednici o roku od 60 dana od dana provedenih ponovnih izbora.

(2) Do potvrđivanja izbora novih organa mjesne zajednice, Gradsko vijeće će imenovati povjerenika sa ovlaštenjima organa mjesne zajednice“.

Član 3.

Ova odluka stupa na snagu osmog dana od dana objavljivanja u „Službenom glasniku Grada Bihaća“.

Predsjedavajući Gradskog vijeća
Davor Župa